

Նախիջևանը եւ Զուլալի չըջանը, ուրիշ խօսքով՝ Երասխի ձախ ափին ընկնող դաշտային եւ լեռնային երկրամասերը, որ մօտաւորապէս համապատասխանում են այսօրուան Նախիջևանի «հանրապետութեան» գրաւած տարածութեան:

Եւ յայտնի է արդէն, որ հին Մարաստանը (Մեղիան), որի հոգակաւոր կեդրոնն էր Եկբատան (այսօրուան Համաղանը), տարածւում էր ներկայ Պարսկաստանի արեւմտեան երկայնքի վրայ, երկարածուելով դէպի հիւսիս, մինչեւ Երասխի եզերքը: Այսօրուան պարսից Ատրպատականը հին Մարաստանի կարեւորագոյն մասերից մէկն էր կազմում:

Ուրիշ խօսքով՝ Հին Մարաստան սահմանակից էր Հայաստանին, Այրարատեան դաշտին: Այնտեղից է ահա, որ բաղմամբիւ մարեր են բերւում եւ Մասիսի ստորոտներում բնակեցւում, մինչեւ Գողթան գաւառ: Իսկ որ դանդան ժամանակներ եւ յատկապէս Տիգրան Մեծի օրով օտարազգի գաղթական բաղմունքիւններ բերուել եւ բնակեցուել են Հայաստանում, պատմական փաստ է արդէն: Մովսէս Խորենացու պահած վերոյիշեալ առասպելախառն պատմութիւնը ոչ այլ ինչ է, եթէ մի մասնակի եւ հեռաւոր արձագանգ՝ նման մի դէպքի: Այդ պատմութիւնը գերծ լինել չէր կարող, ի հարկէ, ժամանակավրէպներից եւ անունների չիտթութիւնից:

Մի քանի դարեր յետոյ անգամ, տեսնում ենք, Հայաստանի այդ վայրերը շարունակում են կրել «Մարաց աշխարհ» անունը, թէեւ անտարակոյս է որ եկուոր տարրը ժամանակի ընթացքում եթէ ոչ բոլորովին, զգալիօրէն ձուլուել էր բնիկ տարրի մէջ, հայացել: Բայց եւ այնպէս, դեռ եւս հինգերորդ դարում — թերեւս աւելի եւս երկար ժամանակ — յատկապէս Գողթան չըջանի ժողովուրդը պահել էր իր ցեղական-լեզուական շատ առանձնայատկութիւնները:

Կորիւնի հաղորդած տեղեկութիւնները «խուժուղութ Մարաց» եւ նրանց «սասանայակիր բարուց», այլ եւ «գժուարամատոյց լեզուի» մասին՝ անշուշտ այդ ձեւով եւ բացատրելու է: Նոյնն է նաեւ նրանց ամուր կառչած լինելու պարագան՝ հին կրօնին: Գուցէ թէ, վեր-

ջապէս, Գողթան եւ կամ այժմու Աղուլիսի ժողովրդեան՝ զոկերի՝ իսկապէ՛ս որ «գժուարամատոյց լեզուն», լինելով հանդերձ հայկական բարբառներից մէկը, իր վրայ դեռ շարունակում է եկուոր տարրի լեզուի հեռաւոր ազդեցութիւնը:

* * *

Ազաթանգեղոսի գրուածքը, ասացինք, Հայոց հեթանոսական կրօնի պատմութեան ամենագլխաւոր աղբիւրն է:

Հեղինակը նկարագրելով քրիստոնէութեան վերջնական մուտքը Հայաստան, եւ միեւնոյն ժամանակ Գրիգոր Լուսաւորչի ու Տրդատ Թաղաւորի կողմից յարուցուած հալածանքը հին կրօնի դէմ, առաջ է բերում նաեւ վերջինիս գլխաւոր տարրերը: Միեւնոյն ժամանակ, մէկեւկէս դարու հնութիւն ներկայացնող կրօնական-եկեղեցական դէպքեր նկարագրելով՝ գլորումը պարունակում է քրիստոնէական մի շարք լեզենտներ, որոնք անտարակոյս կենդանի էին հինգերորդ դարու Հայոց մէջ: Այստեղ մենք առաջ կը բերենք թէ մէկ եւ թէ միւս տեսակի կարեւորագոյն նիւթերը: Ինչ խօսք, որ այդ բոլորը եւս հեղինակի աչքին պատմական իրողութիւններ սեպուած են:

Ազաթանգեղոսի պատմութեան երկու գլուխաւոր հերոսների՝ Գրիգոր Լուսաւորչի եւ Տրդատ Թաղաւորի անուանց շուրջը հիւսուած ժողովրդական լեզենտներից եւ առասպելներից յիշատակենք հետեւեալները: Նախ՝ Տրդատի մասին:

Տրդատի արտաքին նկարագրութիւնն իսկ, Ազաթանգեղոսի գրչի տակ, իր մի քանի դժերով առասպելականի բացորոշ կնիքն է կրում իր վրայ: Ինքը հեղինակն իսկ շեշտում է այդ գիծը, հետեւեալ բառերով. — «Վասն այսորիկ պատշաճեցան բանքս այս ի բանս կարգի առակաց, թէ իբրեւ զսէզն Տրդատ որ սիգալովն աւերեաց զթումբս գետոց, եւ ցամաքեցոյց իսկ ի սիգալ իւրում զյորձանս ծովուց»:

Եթէ շարունակութիւնը մի կողմը թողնելու լինինք իսկ, որի մասին անմիջապէս խօսք կ'անենք, պարզ է վերոյիշեալից յամենայն դէպս, որ Տրդատին վերագրուած վիպական այդ յատկանիշները Ազաթանգեղոս ժողովրդական առասպելներից է քաղում, ի՛ր իսկ ա-